

Relaciona cu corrupcion y soborno di 735 mil Florin

Paul Croes a raporta na KIA pa sinta 3 aña di castigo



ORANJESTAD (AAN): Siman a habri y manera a ser spera, ex-Minister di AVP, Paul Croes a presenta solitario na Prison di KIA na Aruba, sin ningun hende hunto cune, pa e bay sinta su castigo di 3 aña di prison. Despues di a purba tur caminda pa yega Roma, na

final ta 5 huez di Casacion na Hulanda a indica cu e condena di 3 Huez di Corte Superior, y tambe di Corte di Prome Instancia na Aruba ta e veredicto corecto, y e condena di prison ta valido! No tin nigin otro recurso mas.

E ora a keda Paul Croes

nada otro sino baha cabez, y acepta cu un total di nueve Hues a conden'e pa ta corrupto, pues a haci maluso di su poder pa corumpi comerciantenan a cambio di ricibi fabor.

Recientemente e Secretario General di Partido MEP, a refresca memoria di hopi hende, pa mira cu tur e pruebanan acumula pa Ministerio Publico a papia un palabra cla! Como Ministro el a ricibi masha hopi placa a cambio di duna permiso. Tur e pruebanan, incluyendo grabacionnan y declaracion di testimonio, a proba cu e ta hopi corrupto y a comete hopi fraude.

Djis mira un ehempel

di un passage di e veredicto: Den rekisitor: Pagina 133: Propietario di un Supermarket (Asiatico) a declara cu Paul Croes di AVP a manda pidi 50 paki di tuna, 50 paki di crabmeat, 50 paki di cabaron, 50 bleki di oester, 50 bleki di salmou, 10 boter di mayonnaise, 50 boter di "bread spread", y 10 boter di oleifi. Declaracion di e comerciante Asiatico. "Ik heb Paul Croes deze goederen cadeau gegeven om het behandel en versnellen van mijn aanvragen".

Veredicto Pagina 69 ta comproba un suma di 735.199,94 Florin. Aki e sentencia di hues ta ilustra y prueba un suma di

735.199 Florin cu a pasa atravez di Paul Croes su cuentanan bancario. Placa cu el a ricibi a cambio di fabor y duna permiso. Esaki huesnan a yega na dje pa medio di e investigacion riguroso financiero cu a tuma luga riba cuentanan di e ex Minister di AVP.

Un sentencia den Reino Hulandes cu a manda un mensahe bon cla pa tur politico! Percura pa bo no firma pa loco, ni bira exigente pa enriquece bo mes! Pasobra despues ta abo mes tin di bay sinta riba bo blaarnan den Prison, y ainda sin pidi pordon na pueblo, ta djis bay Prison y bisa cu bo ta asumi responsabilidad.

Ta bay tin tayer tocante e fondonan hulandes disponibel pa 'Herdenkingsjaar Slavernijverleden'



ORANJESTAD (AAN): En conexio cu e conmemoracion di 160 aña di abolicion di esclavitud den Reino Hulandes, Gobierno Hulandes a aloca 2 miyon euro na dos fondo Hulandes: Mondriaan Fonds y Fonds voor Cultuurparticipatie.

E fondonan disponibel ta destina pa proyectonan of iniciativas cu lo trata riba conscientisacion tocante e historia, abolicion y efectonan di esclavitud den Reino Hulandes. Minister Xiomara Ma-

duro ta informa cu Aruba tambe ta bin na remarca pa haci peticion di e fondonan aki.

Pa e motibo aki, den un colaboracion entre Ministerio di Cultura hunto cu e grupo di trabou Comision Conscientisacion Esclavitud di Aruba, Biblioteca Nacional Aruba, Mondriaan Fonds y Fonds voor Cultuurparticipatie lo organisa un tayer informativo y interactivo tocante e fondonan disponibel durante e aña di conmemoracion 'herdenkingsjaar slavernijverleden'.

Durante e tayer lo splica mas amplio di con e areglo di e fondonan ta hinca den otro, puntonan di consideracion ora di haci peticion, miho practicanan 'best practices', y otro consehonan practico 'tips & tricks'.

Minister di Cultu-

ra ta invita tur esnan cu tin un idea of proyecto en conexio cu conscientisacion di esclavitud na Aruba pa participa y ricibi mas informacion na e Tayer Fondonan Hulandes Disponibel Pa 'Herdenkingsjaar Slavernijverleden'.

E sesion lo wordo brinda door di e conseheronan cultural sra. Gyonne Goedhoop, sra. Dyonna Benett y sra. Tibisay Sankatsing Nava. Esaki lo tuma luga riba diabierna, 24 di februari 2023, di 9'or di mainta pa 1'or di merdia na Biblioteca Nacional di Aruba den sala Diamante.

E tayer lo wordo duna na papiamento y ingles. Entrada ta gratis. Pa participa mester registra prome cu 22 februari riba Eventbrite 'Tayer Fondo Slavernijverleden'.

Muher gara na Venezuela cu 60 bolita di cocaina den su stoma



CIUDAD TRUJILLO: Autoridadnan di estado Trujillo ta convenci cu nan ta wordo usa como un sorto di trampolin y zona di transito pa narcotraficantenan cu ta buscando forma di transporta droga pa yega finalmente sea na capital di Venezuela of na costa di Lama Caribe.

E biaha aki, nan a logra gara un muher kende tabata viahando di estado Merida rumbo pa estado Carabobo. Polisnan di Guardia Nacional Bolivariana cu ta staciona na un

punto di control na Buena Vista, a detene e muher aki cu tabatin 60 bolita di droga den su stoma.

Esaki a bin despues cu nan a papia cune, y a mira con el a cuminsa bira hopi nervioso mes. Despues cu el a basha abao y admiti cu e tin droga den su stoma.

E muher Leonor L. a wordo hiba na un Hospital pa haci X-Ray, y a confirma cu tin bolita den curpa.

Ora cu el a saca tur 60 bolita, a pisa nan y a yega 900 gram.